

INUIT ATAQATIGIIT INATSISARTUNI



UKA2023/49/74

12.oktober 2023

Pipaluk Lynge

Naalakkersuisut – Inatsisartuni ataatsimiititaliaq suleqatigalugu – Kalaallit Nunaanni Inatsit Tunngaviususaaq pillugu missingiutip, Inatsit Tunngaviususaaq pillugu Isumalioqatigiissitat suliarisaata suliareqqinneqarnissaanik piaartumik qulakkeerinneqqullugit inatsisartut aalajangiiffigisassaattut siunnersuut. Suliareqqiinermit ilaatigut innuttaasut, ilinniarfeqarfiit soqutigisaqaqatigiillu kattuffii peqataatinneqassapput.

(Inuit Ataqatigiit Inatsisartuni ilaasortaataat)

Aamma

Inatsit tunngaviususaaq pillugu Isumalioqatigiissitat tunngaviusumik inatsisissamut missingiusiaat pillugu innuttaasut akornanni isummersoqatigiinnissamut periarfissiisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Siumup Inatsisartuni gruppia)

Oqaaseqaat:

Inuit Ataqatigiinniit qujavugut Kalaallit Nunaanni Inatsit tunngaviususaaq pillugu missingiutip suleriaqqinnissaanut Inuit Ataqatigiinniit aamma Siumumit siunnersuuteqartunut.

Inuit Ataqatigiit namminersulivinnissaaq siunnerfiguarsimavaat, tungaanullu aqqutip sanarfineqarnissaa kissaatiguarsimallugu.

Uagut nunatsinnik, kulturitsinnik inooriaarserput malillugu nunamik aqutsinissarput ingerlatsinissaput piviusungortitsinissarpullu uatsinniippoq,- nunami maani innuttaasunit.

Taamaattumik innuttaasut isummersinnaanissaat pingaaruteqarpoq.

INUIT ATAQATIGIIT INATSIARTUNI



Nunatut imminut napatinneq peqatigiilluni akaareqatigiilluni sanarfisassaavoq, aalajaatsunngorlugu, anorersuit aqquusaagassallu nappavigisinnaanngorlugit.

Inuit akornanni ataqpeqatigiinneq, suleqatigiinneq, Inuit, meeqqat innarluutillillu pisinnaatitaaffii ataqqillugit, namminersulivinneq anguneqaqqunaqaaq.

Assigiinngissuseq nukiuvoq, assigiinngissusermik inissaqartitsineq tikilluaqqusinerlu Inuit Ataqatigiinnit pingaartipparput. Innutaasunik peqataatsitsineq, innuttaasut namminneq isummersillugit peqataatsinissaq pingaartipparput.

Inuit Ataqatigiinni namminiilivinnissamut siunnerfippit angorusutarpullu aalajaatsumik isumaqarfigaarput. Neriuppugut suleqatigiissutigisinnaasatsinnik inerititaqassasugut- aamma Inatsit Tunngaviusussaq pillugu suliaqarnermi.

Inuit Ataqatigiinniit Siumumiillu Inatsit Tunngaviusussaq pillugu isumalioqatigiissitat isumaliutissiissutaat pillugu suliareqquneqartut ataatsimut ataatsimiititaliami suliarineqarnissaat innersuussutigaarput. Akuutitsilluni sulinissaq pingaaruteqarpoq, inuit pineqarmata. Sulinermi ilinniarfeqarfinnik soqutigisaqatigiiffinnik, kattuffinnik oqaloqateqarluni ataatsimeeqateqarnerit, innuttasunik paasissutissiineq ilanngullugit sulinermi ilannguteqquagut.

Ilaatigut Inatsit Tunngaviusussaq pillugu Isumalioqatigiissitat isumaliutissiissutaat naqitanngorlugu siammarterneqarnissaata naammassinissaa, inuiaqatigiinnilu oqaloqatigiissutigereersutsigu aamma innuttaasut tamatta apeqqummut taasitineqarnissarput tikitsinnagu, taakkartorneqartut suliareqquagut.

Pisariaqarpoq Inatsit tunngaviusussaq pillugu Isumalioqatigiissitat isumaliutissiissutaat pillugu inuiaqatigiinnit paasitsiniaasoqarnissaa, innuttaasut kikkulluunniit isummersornissamut tunngavissikkumallugit. Innuttaasut nalorninaattumik akuutinneqarnissamut pilersaarummik nalunaarfigineqartariaqarput.

Taamaattumik tunngaviusumik inatsip suliareqqinnissaanik siunnersuuteqartut siunnersuutaat Naalakkersuisullu allannguutitut siunnersutaat ataatsimut suliarineqarnissaat Inatsisinut ataatsimiititaliami aappassaaneerneckartinnani suliarineqarnissaanut innersuupparput.